



ՄԱՇՏՈՑԻ ԱՐՁԱԳԱՆԳ

Հայց. Առաք. Սուրբ Յակոբ Մայր Եկեղեցույ Կիրակնօրեայ Դպրոցի Պարբերաթերթ

Ժ. ՏԱՐԻ ԹԻԻ 3

Նոյեմբեր 2002

Մեր խօսքը

Անցեալ տարի, հայ ժողովուրդը մեծ շուքով կը տօնէր Հայաստանի մէջ քրիստոնէութեան պետական կրօն ընդունման 1700-ամեակը: Այս տօնը առաւել եւս կ'իմաստաւորուէր հայ ժողովուրդին քրիստոնէութիւնը ընդունած առաջին ժողովուրդը ըլլալով: 1700 տարիներէ ի վեր Հայաստանը իբր պետութիւն՝ քրիստոնէութիւնը ընդունած է իբր պետական կրօն:

Սակայն ՅՕ1 թուականէն առաջ իսկ, հայ ժողովուրդը ի՛նք, նոյնիսկ եթէ ոչ ամբողջութեամբ, քրիստոնէութիւնը ընդունած է իբր ճշմարիտ կրօն: Արդարեւ, Նոյեմբեր ամսուան ընթացքին յիշատակուող Սուրբ Թադէոսի եւ Սուրբ Բարթողոմէոսի տօները մեզ տարուէ տարի կը յիշեցնեն թէ քրիստոնէութիւնը Հայաստան աշխարհէն ներս մուտք գործած է առաջին դարէն սկսեալ, երբ Յիսուսի մահէն ետք անոր աշակերտները քրիստոնէութեան քարոզչութիւնը սկսան կատարել: Առաջին դարէն սկսեալ ի՛սկ Հայաստանի մէջ հիմը կը դրուէր առաջին վանքերուն, եկեղեցիներուն եւ այսպէսով, շուրջ 1900 տարիներ առաջ, կը հիմնուէր Յիսուսի առաքեալներուն կողմէ հիմնադրուած եկեղեցին, Հայաստանեայց Առաքելական Մայր Եկեղեցին:

Բովանդակութիւն

- Եթէ ալ չես կրնար հանդուրժել շրջապատդ...
- Նուրը՝ հասարակ պտուղէ մը աւելին
- Ասկէ շատ տարիներ առաջ... Նոյեմբեր ամսուան մը ընթացքին
- Հայկական անուններ... լսուած, չլսուած
- Առաջին լուսաւորիչներ
- Սուրբ Բարթողոմէոս
- Սուրբ Թադէոս
- Virtual Ani... կամ երեսակայական Անի
- Մանկապարտէզի անկիւն
- Նախակրթարանի անկիւն
- Երկրորդականի անկիւն
- Ընդհանուրի անկիւն
- Պահուած բառ
- Կարճ լուրեր Կիրակնօրեայէն

Սէր ունեցողը համբերատար կ'ըլլայ եւ քաղցրաբարոյ: Սէր ունեցողը չի նախանձիր, չի գողոգանար, չի հպարտանար, անպատշաճ վարմունք չ'ունենար, միայն ինքզինք չի մտածեր, բարկութեամբ չի գրգռուիր, չարութիւն չի խորհիր, անհրաւութեան վրայ չ'ուրախանար, այլ ուրախակից կ'ըլլայ ճշմարտութեան: Սէր ունեցողը միշտ կը զիջի, միշտ կը հաւատայ, միշտ կը յուսայ եւ միշտ կը համբերէ:

Ա. Կորնթացիներուն, 13

Եթէ ա՛լ չես կրնար հանդուրժել շրջապատդ, կարդա՛ Ա. Կորնթացիներուն, գլուխ 13

Եթէ մարդոց եւ հրեշտակներու լեզուները խօսիմ, բայց սէր չունենամ, ի՞նչ տարբերութիւն կ'ունենամ պղինձէ շեփորէն որ կը հնչէ, կամ ծնծղաներէն որ կը դօղանջեն: Եթէ մարգարէութեան պարգեւը ունենամ, կարենամ բոլոր խորհուրդներու խորքը թափանցել եւ հասնիմ ամբողջական գիտութեան, եւ նոյնիսկ լեռները տեղափոխելու չափ զօրաւոր հաւատք ունենամ, բայց սէր չունենամ, ոչինչ կ'արժեմ: Ի՞նչ օգուտ, եթէ բոլոր ինչքերս աղքատներուն տամ եւ նոյնիսկ մարմինս կրակի մատնեմ. եթէ սէր չունիմ՝ ոչինչով կ'օգտուիմ:

Սէր ունեցողը համբերատար կ'ըլլայ եւ քաղցրաբարոյ: Սէր ունեցողը չի նախանձիր, չի գոռոզանար, չի հպարտանար, անպատշաճ վարմունք չ'ունենար, միայն ինքզինք չի մտածեր, բարկութեամբ չի գրգռուիր, չարութիւն չի խորհիր, անհրաւութեան վրայ չ'ուրախանար, այլ՝ ուրախակից կ'ըլլայ ճշմարտութեան: Սէր ունեցողը միշտ կը զիջի, միշտ կը հաւատայ, միշտ կը յուսայ եւ միշտ կը համբերէ:

Սէրը անվախճան է, մինչդեռ այս կեանքին հետ մարգարէական պատգամները վերջ պիտի գտնեն, հրեշտակներու լեզուներով խօսիլը պիտի դադրի, գիտութիւնն ալ վերջ պիտի գտնէ: Այժմ մեր գիտցածը անկատար է եւ մեր մարգարէութիւնն ալ՝ մասնակի: Բայց երբ կատարեալը գայ՝ այս անկատարութիւնը վերջ պիտի գտնէ:

Երբ երեխայ էի՝ երեխայի պէս կը խօսէի, երեխայի պէս կը խորհէի եւ երեխայի պէս կը տրամաբանէի. իսկ երբ տղամարդ դարձայ, բոլոր երեխայական բաները մէկ կողմ դրի: Նոյնպէս ալ, մենք այժմ զԱստուած կը տեսնենք աղօտ կերպով, կարծես հայելիի մը մէջէն. բայց երբ ամէն բանի կատարումը գայ՝ գայն պիտի տեսնենք դէմ առ դէմ: Այժմ միայն մասնակիօրէն կը ճանչնամ զԱստուած, բայց այն ատեն պիտի ճանչնամ ամբողջապէս, ճիշդ ինչպէս ի՞նք զիս կը ճանչնայ:

Ներկայիս, ուրեմն, միակ կարեւոր բաներն են, հաւատքը, յոյսը եւ սէրը. իսկ այս երեքէն մեծագոյնը սէրն է:


Նուրը՝ հասարակ պտուղէ մը աւելին

Նուրը մասնայատուկ տեղ ունի հայ ժողովուրդի կեանքին եւ մշակոյթին մէջ: Ան հայ ժողովուրդը խորհրդանշող պտուղ մըն է, ինչպէս Արարատը մեզ խորհրդանշող լեռ մըն է: Այսպէս, պատահմամբ չէ որ հայ բեմադրիչ Սերգէյ Փարաճանով իր ներշնչումի առարկան դարձուցած է նուրը երբ ուզած է Սայաթ Նովայի կեանքը շարժապատկերի վերածել: Այդ պատճառով է որ Փարաճանով իր շարժապատկերին տուած է «Նուան գոյնը» վերնագիրը:

Ըստ աւանդութեան, հայերուն համար նուրը բնութեան կողմէ դրկուած սիրոյ նշան մըն էր, որ մեզի կու տար անհրաժեշտ ոյժ շարժելու, խօսելու, զգալու եւ մտածելու, բայց միատեղ կը պատկերացներ շուրջիններուն հետ մեր ունեցածները բաժնելու առատաձեռնութիւնը, որ կը թելադրուէր նուրի անհամար հատիկներուն կողմէ:

Վերջապէս, նուրին եւ հայ ժողովուրդին միջեւ սերտ կապի փաստերէն մէկն է հայ մանրանկարչութեան մէջ այդ պտուղին վերապահուած տեղը հայ արուեստագէտներու կողմէ:

Ասկէ շատ տարիներ առաջ, Նոյեմբեր ամսուան մը ընթացքին...



միջամտութեան խնդրանքները ի զուր եղած են:

Իր գործերէն կը յիշուին «Պապիկ եւ թոռնիկ», «Հայ գոյժը», «Վերջալոյսի երգեր», «Դրախտի ընտանիք»:

Ասկէ 101 տարիներ առաջ, Նոյեմբեր ամսուան մը ընթացքին կը մահանար Վեցետիկի Մխիթարեան եւ հայագիտութեան նուիրուած Հայր Ղեւոնդ Ալիշան:

Ծնած է 1820-ին եւ կարօտով երգած Հայաստանը զորս չէ տեսած: Ան խորապէս ուսումնասիրած է Հայոց պատմութիւնը, Հայաստանի աշխարհագրութիւնը, երկրաբանութիւնը, ազգագրական անցեալն ու իր օրերուն՝ ներկան: Իր գործերէն կը յիշուին «Հայապատում», «Այրարատ», «Սոփերք հայկականք», «Ծիրակ», եւ այլն:

շերեփի» ճառով, զորս արտասանած էր Պերլինի վեհաժողովէն վերադարձին 1878 թուականին, երբ անդրադարձած է որ վեհաժողովի ընթացքին հայ ժողովուրդին ի նպաստ իր

Ասկէ 109 տարիներ առաջ, Նոյեմբեր ամսուան մը ընթացքին կը մահանար հայ գաւառական-ազգագրական գրականութեան հիմնադիր կղերական՝ Գարեգին Եպիսկոպոս Սրուանձտեանց, որ աշակերտած է Խրիմեան Հայրիկի: Անոր գործերէն են «Մանանայ», «Համով հոտով», «Գրոց բրոց», «Թորոս աղբար», որոնք կը նկարագրեն հայ ժողովուրդի կեցնաղը, գիւղական կեանքը եւ անանդութիւնները:

Հայկական անուններ...

լսուած, չլսուած

Արական անուններ

Անդոկ
Աղասի
Ծամհուր
Մամբրէ
Համիկ
Մոմիկ
Փառէն
Վրէն
Վահրիճ
Վաշտակ

Իգական անուններ

Բիւրեղ
Եղնիկ
Յաւերժ
Ոգուհի
Փերուզակ
Վառվառէ
Սոխակ
Բալասան
Թուխձամ
Զուլլալ

Ասկէ 95 տարիներ առաջ, Նոյեմբեր ամսուան մը ընթացքին կը մահանար 1892 թուականին հայոց Ամենայն Կաթողիկոս Խրիմեան Հայրիկ:

Խրիմեան Հայրիկ ծնած է Վան 1820 ին եւ ամենէն ատելի ծանօթ է իր հոշակաւոր «թղթէ

Առաջին Լուսաւորիչներ

Ամէն տարի, Նոյեմբեր ամսուան ընթացքին կը յիշատակուի Յիսուսի առաջին աշակերտներէն Ս. Թադէոս եւ Ս. Բարթողոմէոս Առաքեալներու տօնը: Այս առաքեալները Հայաստանի մէջ Քրիստոնէութեան քարոզչութիւնը սկսած են ընել Ա. դարէն սկսեալ, Յիսուսի Համբարձումէն ետք:

Իրապէս ալ, ըստ անտարաններուն, Համբարձումէն ճիշդ առաջ, Քրիստոս իր աշակերտներուն պատուիրեց որ երթան եւ ճշմարիտ Աստուծոյ քարոզչութիւնը կատարեն ամբողջ աշխարհի մէջ:

Հայաստանը այս օրերուն կը նկատուէր կարելոր եւ բազմամարդ երկիր եւ Ս.Թադէոսի եւ Ս. Բարթողոմէոսի կը վիճակուի Հայաստանէն ներս քրիստոնէութիւնը տարածելու դժուար գործը, տրուած ըլլալով որ այդ տարիներուն Հայ ժողովուրդը բազմաստուածեան կրօն ունէր, այսինքն բազմաթիւ կուռքեր կը պաշտէր որոնցմէ իւրաքանչիւրը կը խորհրդանշէր մէկ տարբեր երեւոյթ ինչպէս գեղեցկութիւն, պտղաբերութիւն, պատերազմ, արեւ, եւայլն:

Ծնորհիւ Ս. Թադէոսի եւ Ս. Բարթողոմէոսի է որ Հայաստանեայց Մայր Եկեղեցին **առաքելական** կը կոչուի, Յիսուսի իսկ Առաքեալներու նախաձեռնութեամբ հիմնուած ըլլալուն համար:



Ս. Բարթողոմէոս

Բարթողոմէոս Յիսուսի 12 առաքելներէն մէկն էր: Անոր կը տրուի նաեւ Նաթանայէլ անունը, որ կը նշանակէ «Աստուծոյ նուէր»:

Բարթողոմէոս քրիստոնէութիւնը քարոզած է Հնդկաստանի, Պարսկաստանի, Արաբիոյ եւ Հայաստանի մէջ, ուր, շուրջ 66 թուին տեղի ունեցած է իր նահատակութիւնը:

Բարթողոմէոս կը նկատուի- Ս. Թադէոս առաքելին հետ- Հայաստանի մէջ քրիստոնէութեան առաջին քարոզիչը, եկեղեցւոյ հիմնադիր եւ առաջին լուսաւորիչը:

Առաքելը Հայաստանի մէջ իր քարոզչական աշխատանքը սկսած է Գողթան գաւառէն, ապա Սիւնեաց, Արարատեան եւ Վասպուրական նահանգներուն մէջ եւ ամէն տեղ հաստատած քրիստոնէայ հաւատացեալներու կորիզներ: Ան կը յաջողի նաեւ հայոց արքունի շրջանակներէն ներս ալ քարոզչութիւն կատարել: Քրիստոնէայ կը մկրտէ Սանատրուկ թագաւորին քոյրը Ոգուհին եւ հազարապետ Տերենտիոսը: Հետեւանքը այն կ'ըլլայ, որ թագաւորը սպաննել տայ թէ՛ քոյրը, թէ՛ հազարապետը, թէ՛ Առաքելը:

Հայ ժողովուրդը ի յիշատակ Ս. Բարթողոմէոսին, չորրորդ դարուն, Վասպուրականի Աղբակ գաւառին մէջ կը շինէ վանք մը, որուն չորս աւանդատուներէն մէկուն մէջ գոյութիւն ունի տապանաքար մը, վրան արձանագրուած՝ թէ հոն թաղուած է Սուրբ Բարթողոմէոս Առաքելը:

Վանքը ներկայիս կիսաւեր վիճակի մէջ է:

Ս. Թադէոս


Յիսուսի 12 աշակերտներէն մէկն է ու կը նկատուի Թովմաս Առաքելին եղբայրը: Յայտնի չէ թէ երբ ծնած է բայց նահատակուած է իր քարոզչական առաքելութեան ճամբով, շուրջ 46 թուին:

Թադէոս առաքել կը յաջողի քրիստոնէական կրօնը տարածել հայոց արքունի պալատէն ներս Քրիստոնէայ մկրտելով Սանդուխտ կոյսը որ Սանատրուկ Թագաւորին աղջիկն էր: Սանատրուկ կը փորձէ իր աղջիկը վերադարձնել քուրմերու պաշտամունքին ու ձախողելով՝ միատեղ սպաննել կու տայ թէ՛ Սանդուխտ, թէ՛ Թադէոս Առաքել:

Մինչ այդ սակայն, Արտագ գաւառի բնակչութիւնը, հետեւած ըլլալով Թադէոսի քարոզչութեան շուրջ 66 թուին, անոր յիշատակին կը հիմնէ Թադէի վանքը որը դարերու ընթացքին բարգաւաճելով կը դառնայ հայ ժողովուրդի հոգեւոր կարեւոր կեդրոններէն մէկը:

Գիտէի՞ր թէ...

Գիտէի՞ր թէ ներկայիս Թադէի վանքը կը գտնուի Պարսկաստանի Հիւսիս Արեւմտեան ծայրամասը: Վանքը որպէս քրիստոնէական հնագոյն եւ ճարտարապետական բարձր արժէք ներկայացնող կեդրոն, մաս կը կազմէ Իրանի պետութեան եւ ՅՈՒՆԷՍԿՈՅԻ կողմէ ընդունուած, ուշադրութեան արժանի պատմական յուշարձաններու ցանկին:



Virtual Ani... Կամ երեսակայական Անին

Հազար տարիներ առաջ, Անի մայրաքաղաքն էր Հայաստան աշխարհի: Այն ժամանակ Անին ուներ շուրջ 100 000 բնակիչներ եւ այնքան հարուստ քաղաք մըն էր որ զայն կը կոչէին «1001 Եկեղեցիներու քաղաքը»:


Ներկայիս Անին ամբողջութեամբ աներուած եւ լքուած քաղաք մըն է: Չորս դարէ ի վեր կը մնայ անբնակ եւ 1921-էն ի վեր կը գտնուի թուրքերու կողմէ գրաւուած հայկական հողամասին վրայ, արդի Հայաստանի սահմանակից:

Այսօր, զբոսաշրջիկներ Անիի աներակները կրնան այցելել զինուորական հսկողութեան տակ ու քաղաքին մեծ թիով տեսարժան վայրերը կը մնան անհասանելի:

Ահա սակայն կայքէջ մը www.virtualani.freeserve.co.uk որուն շնորհիւ կրնաս այցելել Անին ազատ համարձակ, շէնք առ շէնք, եկեղեցի առ եկեղեցի: Հոն կը գտնես անհամար եւ հ ե տ ա ք ր ք ա կ ա ն տեղեկութիւններ, ինչպէս Անիի վանքերու եւ բերդերու ճ ա ր տ ա ր ա պ ե տ ա կ ա ն կառոյցներու մասին:

Այցելէ այս կայքէջը, համակարգիչիդ մկնիկը զետեղէ այս պարտիսպներուն ճիշդ տակը, ճնշէ եւ սկսիր Անիի ե ր ե ւ ա կ ա յ ա կ ա ն այցելութիւնդ...

Բարի ճամբորդութիւն...



Մասնակցութիւններ

Նախակրթարանի Ա. բաժնի Հոկտեմբեր ամսուան մասնակցողները.-

Առէն Պապիկեան, Ներսէս Նասոյեան, Նարեկ Նասոյեան :

Նախակրթարանի Բ. բաժնի Հոկտեմբեր ամսուան մասնակցողները.-

Աստղիկ Աբրահամեան, Անի Մելէքեան, Գօգօ Մատթէոսեան, Քրիստինա Կարապետեան, Հրակ Նարեկեան, Փան Յակոբ Չոլխանեան, Թամար Պուլիկեան, Վերժինի, Ռուբէն Սէթեան, Լարա Նայիմ, Բաթի, Յարութ Բիլիքեան, Մարիա Դանիէլեան, Բաֆֆի Խշիշեան, Նորա Նայիմ:

Անսխալ պատասխանողներ
Արի Քէօսէեան, Արի Միրզոյեան եւ Պետիկ Նազարեան:

Երկրորդականի Հոկտեմբեր ամսուան մասնակցողները.-

Յովիկ Կարապետեան, Թալին Նայիմ, Կարօ Կարապետեան, Լոռի Քէօսէեան, Փօլ Գիզիրեան, Քրիստինա Լօշխանեան, Թամար Գիզիրեան:

Մ ա ն կ ա պ ա ր տ է զ ի բաժնի Հոկտեմբեր ամսուան մասնակցողները.-

Սեւակ Պապիկեան
Թամար Տէմիրճեան
Գէորգ Պուլիքեան
Կարպիս Կարապետեան
Րիթա Խշիշեան
Լորի Չոլխանեան
Անի Չոլխանեան
Սերենա Բիլիքեան
Յարութ Նասոյեան
Կարինէ Կարապետեան
Փաթիլ Կարապետեան
Կլօրիա Կարապետեան

Մանկապարտեզի անկիւն



Յիսուս բոլոր մանուկները կը սիրէ:

Յիսուս ըսաւ.

«Զգեցէք որ ----- ինծի գան,
արգելք մի՛ ըլլաք անոնց, որովհետեւ
այդպիսիներուն է -----
-----»:

Մատթէոս 19:14

Հոկտեմբեր ամսուան պատասխաններ

Մանկապարտեզի անկիւն

1. գ. 30
2. գ. Յովհաննէս
3. բ. Յորդանան
4. Սուրբ Հոգին
5. Յունուար 6

Նախակրթարանի անկիւն

1. բ. 40 օր
2. ա. Սիմէոն Ծերունիին
3. գ. Յովհաննէս մկրտիչ
4. բ. Սատանան ըսաւ «Եթէ Աստուծոյ որդի ես, ըսէ որ այս քարերը հաց դառնան»
5. գ. Անդրէաս եւ Պետրոս
6. բ. Մատթէոս 10:38
7. բ. Խաչը հպարտութեամբ եւ յաղթականօրէն վեր առնել
8. դ. Սաղմոս 15
9. բ. Մերոպ Մաշտոց
10. Իմաստութիւն Հօր, Յիսուս տո՛ր ինձ իմաստութիւն, զբարիս խորհել եւ խօսել եւ գործել առաջի քո յամենայն ժամ. ի չար խորհրդոց, ի բանից եւ ի գործոց փրկեա՛ զիս: Եւ ողորմեա քո արարածոցդ, եւ ինձ բազմամեղիս:

Երկրորդականի անկիւն

1. ա. Հաւատացեալներու կամ սուրբերու ժողով
2. գ. Յիսուս Քրիստոս
3. դ. Զինուորեալ եւ յաղթական
4. գ. Յորդանանի մէջ՝ Յիսուսի մկրտութեան
5. ա. Մաղաքիա 3:1
6. ա. Եսայի 7:14
7. ա. Միքա 5:2
8. գ. Զաքարիա 9:9
9. ա. Եսայի 53:5-12
10. ա. Սաղմոս 15 (կամ 16) :10

Նախակրթարանի անկիւն

Նախակրթարան Ա. բաժին

1. Յիսուս երբ տասներկու տարեկան էր իր ծնողքին հետ ո՞ր գնաց:

- ա.- Եգիպտոս
- բ.- Երուսաղէմ
- գ.- Տամասկոս
- դ.- Նազարէթ

2. Վերադարձին Յովսէփ եւ Մարիամ ի՞նչ նկատեցին:

- ա.- Իրենց պալուսակները մոռցած էին:
- բ.- Իրենց դրամները կորսնցուցած էին:
- գ.- Յիսուսը կորսնցուցած էին:
- դ.- Յովհաննէսը կորսնցուցած էին:

3. Ո՞ր գտան Յիսուսը:

- ա.- Խաղավայրը
- բ.- Պարտէզը
- գ.- Ընկերին քով
- դ.- Տաճարին մէջ

4. Յիսուս քանի՞ տարեկան էր երբ մկրտուեցաւ:

- ա.- 20
- բ.- 33
- գ.- 1
- դ.- 30

5. Ամբողջացու՛ր նախադասութիւնը:
«Ահա իմ սիրելի -----, զոր էս շատ -----»:

6 . Ամբողջացու՛ր

Յիսուս ըսաւ Ես եմ յարութիւնը եւ -----
Ան որ ինձի կը հաւատայ թէպէտեւ -----
պիտի ապրի իսկ ան որ ----- է եւ ինձի
կը հաւատայ երբեք պիտի ----- :

7. Պետրոս քանի՞ անգամ ուրացաւ Յիսուս

- ա. 3 անգամ
- բ. 2 անգամ
- գ. 4 անգամ
- դ. 1 անգամ

8. Յիսուսի յարութենէն վերջ ո՞վ էր առաջին անձը որ հանդիպեցաւ իրեն

- ա. Սիմոն Պետրոս
- բ. Պետրոս
- գ. Մարիամ Մագտաղենացի
- դ. Յովսէփ

9. Ո՞ր թագաւորն էր որ ուզեց սպաննել Դաւիթը

- ա. Հերովդէս
- բ. Սաուղ
- գ. Յովնաթան
- դ. Պիղատոս

10. Յոբի զաւակները ինչպ՞էս մահացան

- ա. Սպաննուեցան թշնամիներու կողմէ
- բ. Երկինքէն կրակ ինկաւ եւ այրեց իրենց
- գ. Յափշտակները եկան եւ տարին անոնց
- դ. անապատէն մեծ հով մը եկաւ եւ զարկաւ իրենց տունը

Նախակրթարանի անկիւն

Նախակրթարան Բ. Բաժին

1.- Աստուած որո՞նք երկրի հողէն ստեղծեց.-

ա.-Յովսէփ եւ Մարիամ

բ.- Ադամ եւ Եւա

գ.-Զաքարիա եւ Սարա

2.- Զաքարիա չհաւատաց որ զաւակ մը պիտի ունենայ, այդ պատճառաւ Աստուած պատժեց զինք.-

ա.- Զաքարիա կոյր եղաւ մինչեւ իր մահը:

բ.- Զաքարիա համր եղաւ մինչեւ իր մահը:

գ.- Զաքարիա համր եղաւ մինչեւ Յովհաննէսի ծնունդը:

3.- Ամբողջացուր.-

Հաւատամք Ի մի -----, ի հայրն -----, յԱրարիչն ----- եւ -----, երեւելաց եւ -----:

4.- Յիսուսի 72 աշակերտներուն օրը ո՞ր ամսուան մէջ կը տօնենք:

ա.- Նոյեմբեր

բ.- Յունուար

գ.- Հոկտեմբեր

5.- Հետեւեալներէն որո՞նք առաջին անգամ Քրիստոնէութիւնը Հայաստանի մէջ սկսան տարածել:

ա.- Ս. Մեսրոպ Մաշտոց եւ Ս. Սահակ Պարթեւ

բ.- Ս. Թադէոս եւ Ս. Բարթողոմէոս

գ.- Ս. Գրիգոր Լուսաւորիչ եւ Տրդատ թագաւոր

6.- Կիրակնօրեայ Դպրոցի նշանաբանն է

ա.- Սիրէ քու ընկերդ քու անձիդ պէս:

բ.- Զգեցէք որ մանուկները ինձի գան, արգելք մի՛ ըլլաք անոնց...

գ.- Սիրէ քու հայրդ եւ մայրդ եւ յարգէ զանոնք

7.- Ո՞ր գրուած է «Արդ ով որ իմ խօսքերս կը լսէ եւ կը կատարէ զանոնք, զանկա պիտի նմանցնեմ խելացի մարդու մը՝ որ իր տունը վէմի վրայ շինեց»

ա.- Մարկոսի 6.47

բ.- Մատթէոս 7.24

գ.- Յովհաննու 2.23

8.- Ո՞վ էր առաջին հայ թագաւորը որ քրիստոնէութիւնը ընդունեց.-

ա.- Արտաշէս

բ.- Վրամշապուհ

գ.- Տրդատ


9.- Աստուած որո՞ւ միջոցաւ տասը պատուիրանները հրեայ ժողովուրդին տուաւ

ա.- Մովսէսի միջոցաւ

բ.- Եղիա մարգարէի միջոցաւ

գ.- Յիսուսի միջոցաւ

10.- Եկեղեցւոյ սպասներուն քով իրենց անուններուն համապատասխան թիւերը դի՛ր:



- 1- Խաչ
- 2- Բարձրատ
- 3- Սկիւն
- 4- Աշտամակ

Երկրորդականի անկիւն

1.- Քրիստոսի Սուրբ Եկեղեցին ունի 7 Խորհուրդներ: Ո՞վ հաստատած է այս Խորհուրդները:

- ա.- Մեր Տէրը Յիսուս Քրիստոս:
- բ.- Ս. Գրիգոր Լուսաւորիչ:
- գ.- Ս. Թադէոս
- դ.- Ս. Բարթողոմէոս

2.- Մկրտութիւնը չկրճար կրկնուիլ: Ի՞նչ է Մկրտութեան Խորհուրդին զգալի նշանը:

- ա.- Ջուրը
- բ.- Ս. Միւռոնը
- գ.- Կնքահայրը
- դ.- Տէր Հայրը

3.- Մկրտութեան թեկնածու անձը կը կոչուի Երախայ: Որո՞ւ անունով կը մկրտուի երախան:

- ա.- Իր անունով
- բ.- Կնքահօր անունով
- գ.- Սուրբ երրորդութեան անունով
- դ.- Տէր Հօր անունով

4.- Այս ձեւերէն ո՞ր մէկով կարելի է մկրտել:

- ա.- Միայն Հեղմամբ՝ Մկրտուողին վրայ ջուր թափելով:
- բ.- Միայն Ընկղմամբ կամ թաղմամբ՝ Մկրտուողը լման ջուրին մէջ կը մտնէ:
- գ.- Միայն Սրսկմամբ՝ մկրտուողին վրայ ջուր սրսկելով:
- դ.- Հեղմամբ, Ընկղմամբ եւ Սրսկմամբ

5.- Դրոշմը չկրճար կրկնուիլ: Ի՞նչ է Դրոշմի Խորհուրդին զգալի նշանը:

- ա.- Ջուրը
- բ.- Ս. Միւռոնը
- գ.- Կնքահայրը
- դ.- Տէր Հայրը

6.- Հայ Եկեղեցին ե՞րբ կը կատարէ Դրոշմի Խորհուրդը կամ կնունքը:

- ա.- Մկրտութենէն անմիջապէս ետք:
- բ.- Մկրտութենէն անմիջապէս առաջ:
- գ.- Երբ 40 օրուայ պզտիկը առաջին անգամ եկեղեցի տարուի:
- դ.- Երբ 12 տարեկան ըլլայ

7.- Յովհաննէս Մկրտիչ Ի՞նչ կ'անուանէ Յիսուսը Յովհաննէսի Աւետարանին 1:29 ին մէջ

- ա.- Աստուծոյ գառնուկը
- բ.- Աստուծոյ Որդին
- գ.- Սպասուած Մեսիան
- դ.- Սպասուած Թագաւորը

8.- Յովհաննէսի Աւետարանին 10:10 ին մէջ Յիսուս ի՞նչ պատճառ կու տայ իր գալուն:

- ա.- Որպէսզի Լեցուն կեանք ունենանք
- բ.- Որպէսզի մեր դժուարութիւնները հարթէ
- գ.- Որպէսզի չարերը պատժէ
- դ.- Որպէսզի հիւանդներուն բժշկութիւն տայ

9.- Յիսուս Տէրունական Աղօթքը եւ Երանութիւնները արտասանեց Լերան քարոզին Ընթացքին: Ո՞ր կը կարդանք Լերան քարոզը:

- ա.- Մատթէոս 5,6,7 գլուխներուն մէջ
- բ.- Մարկոս 5,6,7 գլուխներուն մէջ
- գ.- Մարկոս 15,16,17 գլուխներուն մէջ
- դ.- Յովհաննէս 5,6,7 գլուխներուն մէջ

10.- Յիսուս 9 երանութիւններու մասին խօսեցաւ: Որո՞նք պիտի տեսնեն զԱստուած:

- ա.- անոնք որոնք սիրտով մաքուր են:
- բ.- անոնք որոնք հոգիով աղքատ են:
- գ.- անոնք որոնք հեզ են:
- դ.- անոնք որոնք կը հալածուին արդարութեան համար:

Ընդհանուրի անկիւն

1-Գեղարդ կը նշանակէ.-

- ա- Արուեստի գործ
- բ- Գլուխ ծածկելիք կտոր
- գ- Նիզակ
- դ- Զարդ

2- Պճնասէր մարդը...

- ա- Դրամասէր է
- բ- Զարդարուիլ կը սիրէ
- գ- խնայող է
- դ- խօսիլ կը սիրէ

3- Աքեմաւորը...

- ա- Սուգի մէջ է
- բ- Համազգեստ մը ունի
- գ- բարձրաստիճան զինուորական է
- դ- կրօնաւոր է

4- Յիսուսի առակներէն ո՞ր մէկուն մէջ այգեպանին ծառաները ծեծի եւ սպաննութեան կ'ենթարկուին.-

- ա- Անպտուղ թզենին
- բ- Զար մշակները
- գ- Կորսուած ոչխարը
- դ- Հարուստ մարդը

5- Պատարագի ընթացքին ո՞ր մէկը կարելի չէ որ արտասանուի.-
«Սրբոյ Աւետարանիս Յիսուսի Քրիստոսի որ ըստ...»

- ա- Մատթէոսի
- բ- Յովհաննէսի
- գ- Կիրակոսի
- դ- Ղուկասի

6- Հայոց Մայր Եկեղեցին «Առաքելական» կը կոչուի, որովհետեւ.-

- ա- ան հիմնուած է Արագել անունով հրեշտակի մը ձեռքով

բ- ան հիմնուած է Յիսուսի իսկ առաքելներուն կողմէ

- գ- ան շատ արագ հիմնուած է
- դ- անոր խորհրդանիշն է հայ ժողովուրդին սիրելի արագիլ թռչունը

7- Օգոստոս 2002-ին վերընտրուած Արկաթի Ղուկասեան նախագահն է...

- ա- Հայաստանի Հանրապետութեան
- բ- Ղարաբաղի
- գ- Ազգային ժողովի

8- Հետեւեալներէն ո՞ր մէկը Ատոմ Էկոյեանի «Արարատ» շարժապատկերին մէջ յիշուող Նիւթերէն մէկը չէ.-

- ա- Հայկական Եղեռնը
- բ- Արշիլ Կորքին
- գ- Սայաթ Նովան
- դ- Վանի հերոսամարտը

9- Եթէ Մոնթրէալի մէջ ժամը ինն է, կէսօրէ առաջ, Հայաստանի մէջ ժամը...

- ա- 6 է, Կ.Ե
- բ- 12 է, Կէսօր
- գ- 3 է, Կ.Ե
- դ- 9 է, Կ.ա

Հոկտեմբեր ամսուան պատասխանները

- 1. գ. Մեսրոպ Մաշտոց
- 2. բ. Անտեսել
- 3. դ. Յոյսի
- 4. բ. Մատենադարանին
- 5. բ. Զէնքեր
- 6. դ. Խաղ մըն է
- 7. ա. Բառարան
- 8. դ. Զիլնեան
- 9. ա. Գարայան
- 10. գ. Քաջ Նազար

Պահուած բառ

Ա	Ի	Ե	Տ	Ա	Ր	Ա	Ն	Ի	Ե	Յ	Մ
Բ	Ա	Ռ	Ա	Ր	Ա	Ն	Ե	Կ	Ս	Մ	Ա
Բ	Ն	Ա	Ի	Ա	Ռ	Ա	Ր	Կ	Ա	Յ	Ր
Ա	Կ	Ց	Ա	Ր	Ա	Ր	Կ	Յ	Յ	Ի	Ի
Հ	Ն	Ո	Ց	Ի	Կ	Կ	Ր	Ն	Ի	Ս	Ա
Ա	Ա	Ղ	Ե	Չ	Ա	Ր	Ի	Ք	Գ	Ո	Մ
Յ	Ա	Ի	Ի	Տ	Ե	Ա	Ն	Ա	Ո	Ի	Ր
Ր	Ա	Մ	Ա	Ր	Տ	Ք	Ի	Ղ	Ո	Ս	Ա
Մ	Ա	Կ	Ա	Ր	Ա	Յ	Վ	Ա	Ն	Ք	Օ
Չ	Ե	Կ	Ե	Ղ	Ե	Ց	Ի	Ք	Ա	Ջ	Ր
Յ	Ո	Ր	Դ	Ա	Ն	Ա	Ն	Ր	Գ	Ե	Տ

Աւետարան
Արարիչ
առարկայ
աբբանայր

Յիսուս
յաւիտեան
յորդանան
ասողիք
առակ
բառարան
գետ
բնաւ
եռացող
Եսայի

Եկեղեցի
Կատակ
Մայր
Մարիամ
Մակարայ
Մոգ
Տրամա
Ներկ
Ուր
Հնոց
չամիչ
չարիք
քար
քաղաք
քաջ
վանք

Կարճ լուրեր Կիրակնօրեայէն

- Կիրակնօրեայի արձանագրուած աշակերտներուն Թիւն է 84
- Մանկապարտէզի եւ Նախակրթարանի Ա. բաժնի աշակերտները, Կիրակի Նոյեմբեր 17 ին դիտեցին «Յիսուս» Ֆիլմին առաջին բաժինը: Խօսակցութիւնը հայերէն էր:
- Կաղանդ Պապան խոստացաւ Կիրակնօրեայ այցելել Կիրակի Դեկտեմբեր 29 ին:

Մաշտոցի Արձագանգի այս թիւին իրենց մասնակցութիւնը բերին.- Երան Լոշխանեան, Գարոլ Գաբթանճեան, Յասմիկ Նանարեան, Թորոս Պապիկեան:

Սուրբ Յակոբ Հայց. Առաք. Մայր Եկեղեցւոյ Կիրակնօրեայ դպրոցի կամաւոր խմբակը.-
Ուսուցիչներ՝ Մարիա Քէօսէյեան, Անի Գըլընճեան, Վերա Կարապետեան, Երան Լոշխանեան, Գարոլ Գաբթանճեան, Յասմիկ Նանարեան, Յասմիկ Քանանճեան, Սագօ Ասատուրեան, Ծողիկ Նանարեան, Տնօրէն՝ Թորոս Պապիկեան, Կայքէջ՝ Բաֆֆի Պապիկեան, Լուսանկարիչ՝ Նիկոլ Դանիէլեան, Պարբերաթերթ՝ Ծաղիկ Պոյանճեան:

«ՄԱՇՏՈՑԻ ԱՐՁԱԳԱՆԳ»ը

Կը գտնուի նաեւ համացանցի
(internet) վրայ: Այցելեցէ՛ք

www.sourphagop.org

Ձախ կողմի կոճակներէն
«Պարբերաթերթ»ը ձեզ կ'ուղղէ դէպի

«ՄԱՇՏՈՑԻ ԱՐՁԱԳԱՆԳ»ի
ներկայ եւ նախորդ թիւերուն . . .